

N'wampfundla N'wantlhadyana a phuntisa N'wamhungubye




Lembe leri mpfula a yi nangi kutani
swibyariwa swi omile swinene.

Varimi va langutile ehenhla emapapeni,
va tshemba leswaku mpfula yi ta na
kambe a ku ri hava na xipapana.

N'wamhungubye hi le tlhelo ka nambu,
a ri na swimilana swa rihlaza. A a ri na
mihadzu yo tala na matsavu yo tala
hikuva a kota ku pompa mati ku suka
enambyeni.

Kambe N'wamhungubye a ri na
makwanga. A nga swi lavi leswaku
vanhu van'wana va ka mati ya yena.
A tlhela a nga nyiki hi mihandzu na
matsavu ya yena.



Hi siku rin'wana ro hisa swinene,
N'wampfundla N'wantlhadyana u
nghenile ensin'wini ya N'wamhungubye
a ya dya lanci. Hi nkarhinyana
N'wamhungubye a n'wi vonile.

"Heyil! Loko u dya mihandzu ya mina, ndzi
ta ku khoma ndzi ku dya ndzi ku ku bi!" ku
holova N'wamhungubye.

N'wampfundla N'wantlhadyana a suka
a tsutsuma, N'wamhungubye loyi a
hlundzukile swinene, a n'wi hlongorisa.
Kutani N'wantlhadyana a nyamalala!

U hundzukile kwembe lerikulu ra
xitshopana.

"Loko ndzi kuma N'wampfundla wa khamba,
ndzi ta n'wi dya tanihi kwembe," ku vula
N'wamhungubye loyi a hlundzukile swinene
a ri karhi a cukumeta kwembe ehansi.

Loko kwembe ri fika ehansi, ri hundzukile
N'wampfundla N'wantlhadyana, loyi a
tsutsumeke a lava xin'wana lexi a nga xi
dyaka.



N'wamhungubye a tsutsumisa
N'wampfundla kutani a n'wi khoma hi
ncila. "Sweswi ndzi ya ku ku dyeni ..."

Hi nkarhi lowu, N'wampfundla a
hundzukile mangu lowukulu.

"Xhii, vonani mangu lowu!" ku vula
murimi. "Loko ndzo kota ku kuma
mimangu yo tala, ndzi nga yi xavisa
kutani ndzi va n'wankumi," a anakanya.

"Ndzi ta dyo mangu lowu ndzi tlhela
ndzi byala nyungu ya kona. Kutani
ndzi ta kuma mimangu yo tala leyi ndzi
nga ta yi xavisa."



Loko N'wamhungubye a ha lava ku
dya mangu, nyoxi yi lumile voko ra
yena kutani mangu wu wela ehansi.


"Hatlisa u famba wena nyoxi ya nsele!"

Hi nkarhi wolowo, mangu wu hundzuka
N'wampfundla N'wantlhadyana loyi hi
ku tlulatlula a sukeke a famba.

N'wamhungubye u hlongorisile
N'wampfundla. N'wampfundla u
tlulerile emakhwatini kutani a baleka.

"Ndzi ta ku kuma wena
N'wampfundla!"

ku huwelela N'wamhungubye loyi a
hlundzukile swinene. "U ta swi vona!"




Murimi u vonile N'wampfundla a dy
kalavatla ra yena.

"Heyi! Lama i makalavatla ya mina
ya nkoka," a huwelela a ri karhi a
tsutsumela eka N'wampfundla.

N'wampfundla loyi a khomiwile hi
ndlala a dy a makavatla mambirhi hi
nkarhinyana!

"Lanci yo nandziha swinene," ku
vula N'wampfundla a ri karhi a
tinantswetela milomu ya yena. "Hi
leswi a ndzi lava swona eka siku ro
hisa ngopfu!" Loko N'wampfundla a
vona murimi, u sungurile ku tsutsuma.



Murimi u hlongorisile N'wampfundla
N'wantlhadyana. "Sweswi kona ndzi
ta ku kuma!" a huwelela, kambe
N'wampfundla a nyamalala.

Hi nkarhi lowu N'wampfundla
u hundzukile ntsandze. Loko
N'wamhungubye a ri karhi a
tsutsumisa N'wampfundla, u phijiwile
hi ntsandze.

"Yoo!" a cema a ri karhi a dedeleka,
"Ndzi fanele ku khoma N'wampfundla
wa nsele!"



"Xana N'wamhungubye wo tlhariha
tanihi mina u phuntisisiwa ku yini hi
N'waximpfundlana?" a ehleketa loko a ri
karhi a phumunha ritshuri eswiambalweni
swa yena.

Hi ku hlundzuka, murimi u rholerile ntsandze
kutani a wu cukumeta.

Loko ntsandze wu khumba ehansi, wu
hundzukile N'wampfundla N'wantlhadyana
loyi a hatlisa a kongome enambyeni.

"Sweswi, ndzi ta n'wi khoma hikuva
Van'wampfundla a va swi koti ku hlambela,"
ku ehleketa murimi loyi a hlundzukile ngopfu.

"Pfunani!" ku huwelela N'wampfundla loyi a
chuhibile.




Murimi a ha lava ku khoma
N'wampfundla loko a phijiwa hi ribye
ra ntima.

"Mhane!" ku cema murimi.

Urholerile ribye kutani a ri
cukumetela ekule swinene. Ribye ri
haha tanihi xinyenyana xa ntima. Ri
hundzile nambu kutani ri ya wela eka
tlhelō lerin'wana.


Loko ri wela ehansi ...



Loko ri fika ehansi, ribye ri hundzukile
ri va N'wampfundla N'wantlhadyana,
loyi a huwelela hi ntsako.

"U ndzi perisile nambu! U ndzi perisile
nambu!" ku yimbelela N'wampfundla
loyi a tsakile a ri karhi a cinanyana
endzhaku a suka a tsutsuma.


N'wamhungubye a hlalela
N'wampfundla loko a ri karhi a
tsutsuma a famba. N'wamhungubye
u anakanyile hi leswi a nga siverisaka
xiswona vaaki va muganga ku dya
swibyariwa swa yena eka nkarhi
lowu taka.



Siku leri tlhandlamaka, N'wamhungubye
u tile na mano man'wana.

**Upfunile vaaki va muganga leswaku
va kota ku tipfuna.**

A va pompa mati ya suka enambyeni ku
ya emasin'wini ya vona.




Mitsheketo



Mitsheketo i switori leswi runguriwaka hi rixaka rin'we ri rungulela rixaka leri landzelaka. Mitsheketo leyi ya dyondzisa yi tlhela yi hi hungasa hikuva swa tsakisa ku yi hlaya. Eka mitsheketo yo tala hi hlangana na swiharhi leswi kotaka ku vulavula. Xana vakokwana va wena va ku hlamusela hi switori leswi nga na dyondzo ya mahanyelo?

Hi wihi ntsheketo lowu u wu tivaka eka leyi landzelaka?



Migingiriko ya ku hlaya hi mitlawa



1

Languta swifaniso.

- Byela munghana wa wena leswi humevelaka eka xifaniso xin'wana na xin'wana.
- Hlamusela munghana wa wena leswaku i xifaniso xihi lexi faneleke ku va xo sungula, xa vumbirhi, xa vunharhu na xo hetelela.
- Tlhela u hlamusela munghana wa wena xitori u tirhisa swifaniso.



2

Languta marito na swifaniso. Marito ya tsariwa hi ndlela leyi fanaka kambe ya vuriwa hi ndlela yo hambana naswona ya na tinhlamuselo to hambana. Tirhisa marito lama ku vumba swivilwa. Swi tsale ebukwini ya wena ya switoloveto.

| matimba | ririmí | hele | chela | kala |
|---------|--------|------|-------|------|
| | | | | |
| matimba | ririmí | hele | chela | kala |



3

Lava marito exitorini lama nga na tinhlamuselo leti fanaka na ta marito lama landzelaka:

kwata

doba

anakanya

kholwa

khida


cinca



4

Vulavula na munghana wa wena hi xitori.

- I vamani swimunhuhatwankulu exitorini?
- Hlamusela swimunhuhatwankulu.
- Hi swihi swilo leswN'wampfundla N'wantlhadyana a tihundzuleke swona loko a tisirhelela eka N'wamhungubye?
- Xanchumu xo hetelela lexi N'wampfundla a tihundzuleke xona hi xihi?
Xana xi n'wi pfune hi ndlela yihi?
- N'wamhungubye u cince mahanyelo ya yena hi ndlela yihi ku suka eku sunguleni ku fika eku heteleleni ka xitori?
- Ku humelele yini eku sunguleni ka xitori lexi?
- Ku humelele yini exikarhi?
- Ku humelele yini eku heteleleni ka xitori lexi?





5

Titeke u ri N'wampfundla N'wantlhadyana.
Tsala eka dayari u hlamusela siku ra wena ensin'wini ya
N'wamhungubye.

Siku _____

Siku ra n'hweti _____



6

Kopunula xivulwa xo huma ebukwini lexi kombetaka murimi
a kwatile. Dirowa xifaniso ku kombisa xivulwa lexi.



7

N'wampfundla u cince a va swilo swo hlayanyana. Xana a swi
ri swihi? Ehleketa hi nchumu wun'wana lowu a ta va a cincile
a hundzuka wona. Tsala ndzimana ya 6 wa mitila u hlamusela
hilaha ku cinca a va leswo, a swi ta va swi n'wi pfunise ku yini
leswaku a balekela N'wamhungubye.